

Plan da basa da la mesiraziun uffiziala dal chantun Grischun (PB-MU-GR)

Definiziun/descripziun

Il plan da basa da la mesiraziun uffiziala, curt PB-MU, è in product cartografic che vegn generà automaticamain da las datas da la mesiraziun uffiziala. Excepziuns en quest connex èn la represchentaziun da grippa e da glera sco er il relieuv, las curvas altimetricas e las cotas d'atezza. Quellas vegnan deducidas da la charta naziunala 1:25 000 resp. dal MDT-MU. Per megliar il cuntegn infurmativ è il plan da basa dal chantun Grischun vegnì cumpletà cun objects supplementars sco schraffuras da scarpas, mirs impurtants, ovras electricas, cruschs da baselgias, santeris, frizzas en flums e.u.v. Per las lingias da viafier vegn duvrada ina signatura da viafier speziala. Empè da la rait da vias da la mesiraziun uffiziala vegn duvrada la rait da vias e da sendas da viandar dal model topografic da la cuntrada (MTC) da swisstopo. Pervia da questas adattaziuns vegn il product designà da nov sco «Plan da basa da la mesiraziun uffiziala dal chantun Grischun (PB-MU-GR)».


Il PB-MU-GR è vegnì concepì per la scala da la charta 1:10 000, ma el po er vegnir duvrà per la scala da la charta 1:5000. La disponibladad generala po vegnir consultada en l'internet sut www.alg.gr.ch.

Versiuns

Il PB-MU-GR datti en ina varianta da color, en ina varianta en tuns grischs ed en ina varianta en alv e nair.

Disponibladad

Il PB-MU-GR vegn producì per tut il territori chantunal. En territoris, per ils quals n'èn anc betg avant maun datas da la mesiraziun uffiziala, vegn integrà en il plan da basa il plan da survista 1:10 000 sco remplazzant.



Ciclus d'actualisaziun resp. da realisaziun

Actualisaziuns en il senn tradiziunal n'èn betg prevas tar il plan da basa da la mesiraziun uffiziala. Il matg ed il november vegn el mintgamai generà da nov sin fundament da las datas actualas da la mesiraziun uffiziala.

Retratga

Il PB-MU-GR po vegnir retratg en furma digitala tar il center da geodatas dal Grischun (www.geogr.ch). La consegna vegn fatga part per part.

Vigur legala

Il cuntegn dal plan da basa n'ha nagina vigur legala.

Ulterius infurmaziuns

Uffizi d'agricultura e da geoinfurmaziun,
Ringstrasse 10
7001 Cuira
Tel. 081 257 24 32
E-mail: info@alg.gr.ch
URL: www.alg.gr.ch